

هالسنة بالك تمر
بالك من ينحفر
عزها في ليلة قدر
وتلثم تراب الكبر

بالله يا عيد الفطر
تدري باحساس اليتيم
ويا هي مثلي وفاكده
تلبس اثواب الأسى

الفارغ حيدره بالله لازم تعذره
تلگی في بطن اللحد (قل هو الله أحد)
والیواریه الثرى وجرحه من يضمده
وتنزل آیات الكمد محنة وى شده

لا تدگ باب المضیف
وابتدى فصل الخریف
بی لو أعمى وكفیف
بعده وین الكى ولیف!؟

ذابل الغصن الوریف
انكسرت آمال العمر
مدري اتشوف الجرى
مثلي من أفكد حمى

(حزنك أمبارك) أگول
ریحة الفاكد أشم
للوجع لمن يطول
واشعل اسراج الیتيم
أرجو منى ربي القبول
شأ أخلی لو ألم!؟
للی مثلی صابر
تنزف المشاعر

جمره وتشب
بس انتحب
من ينصلب
كلب المحب
شلیطفی ناری
خلانی بعده
شلعذره مثلی
الله یساعده

بس خلك ابعد
یسكن بلتراب
تاذیني كل يوم
مُر و مَ ینطاگ

لا تلفي يا عيد
عمري اللي ما طاب
تصلبني لهموم
لو عني لفراگ

وشنیعه
وجیعه
صریعه
یشیعه
مریعه
وجیعه
بصنیعه
وصدیعه

فكده أبو یا عظمه من فجیعه
ابچی واحن بجفونی الدمیعه
كاس الردی شربنی من نجیعه
أحوالی من بعده صفت فضیعه

خيطة الفجر لاح وعني الأبو راح بالله شسمّيك (عيد الجرح)؟!
ألبس لك اثواب مصبوغه بتراب والبسمة مني دمعه وتسخ
ألگى التهاني واغلى الأمانى (مأجورة زينب) لا ما يصح!
دمعي اطشّه في داري وحشه وبابك يحيدر ما ينفتح

ياهو الذي يمسح على اليتيمه هضيمه وأليمه
بعذك علي ما عندي چف رحيمه كريمه وحليمه
گلبي التهب ما يبترد حميمه بجريمه عظيمه
سيف الغدر واطباعه اللئيمه نميمه ورجيمه

علي اشلون علي اشلون يتاماك تخليها وتشيل
عمد بيتي لو طاح يحيدر من العاصف يميل
واذا احزامك ايروح من يشيل لك الحمل الثگيل
من ايطيّب اجرروح اذا تموت ويجي الليل الطويل

حلم فزّعني من أسى اغيابك اثاري امصابي بادي بصوابك
اضم اجروشي خايغه الشّمات واگولن حيدر بعده لا ما مات

من أيشيله نعشك يبويه يطاعون الزلم
مَ شفنا في تابوت يشيلون بحر علم وحلم؟!
علي امخوف الموت اذا ايفوت في حربيه ويبتسم
علي ايرجّف الگوم ومن اسمه عدّوه ينهزم

أبد ما اتخيل تترك احبابك وتزرع فينا لوعة امصابك
منو اللي أيعوضك ما أحد هيهات تكسر درعي بساعة الشدات